

pli lectiones daret: quemadmodum Bucherius in margine adnotavit ea, quæ variant in suo codice à lectione Cuspiniani. Horum igitur illustrium virorum collatis laboribus deprehendimus, Catalogum quidem fuisse contextum sub Liborio Papa, sed ejusdem autographum non superesse. Ex pluribus tamen exemplis inde transcriptis unum membranaceum Cuspiniano speciatum hodie desiderari; duo chartae superesse minoris antiquitatis: & in eis deprehendi aliquot errata Amanuensium, quæ Schelestratus curavit detergere per collationem utriusque codicis cum Cuspiniano: adeo in Schelestrati editione satis emendatum opusculum habeamus.

15 Alter Catalogus ad ætatem Justiniani referatur; cùm desinat in Felice IV. circa annum Christi 530. Editus primum fuit ex codice membranaceo quadrata formæ, scripto circa ætatem Caroli Magni: (1) quem Parisis emptum à Regina Christina, & Romam translatum, post ejus verò mortem ab hæreditibus cœmptum Alexander Papa VIII. Bibliotheca Vaticana donavit cum ceteris codicibus MS. Ex eo codice Reginæ Christinae vulgarunt primi RR. PP. Hentschenius, & Papebrochius in Prolegomenis ad tomum primum Aprilis. Verum non satis accuratè descriptum deprehendit III. Preful Schelestratus, cùm ab inclita Reginæ Romæ commorante facultatem obtinueret ejus videndi, ac penes se habendi per menses complures. Quin etiam cùm percepisset, aliud exemplum ejusdem Catalogi reperiri in vetusto codice Bibliothecæ Colbertinæ (num. 1868.) ejusdem antiquitatis, nempe ætatis Caroli Magni, impetravit à clarissimo Stephano Baluzio, ut inde fideliciter transcriberetur. Plurimum verò gavisus est, cùm utramque lectionem, codicis Reginæ Christinae, seu Vaticani, & Colbertini plane consentire expertus est: leviori tantum difference aliquando intercedente unius elementi in literis, vel unitatis in numeris: & per utrumque codicem vidi dari ordinatam seriem priorum Pontificum Romanorum, eamque respondentem Canon: quam lectionem editio Henscheniana turbaverat. De codicim scriptura, atque ætate suppari Carolo Magno dubitare non sioit figura characterum, & libri, necon adjectio sequentium Pontificum, in Colbertino quidem ad Adrianum Primum, & Leonem Quartum; in Vaticano verò, seu Christianiano, & Alexandrino ad Paschalem I.: ubi etiam legitur testimonium ætatis in periocha his concepta verbis: *A Passione Domini nostri JESU Christi usque ad sedem beatissimi Marcellini Papæ sunt anni 276. menses 8. De Apostolatu jam facto Christi Martyris Marcellini usque ad tempus Domini Caroli Regis 25. annis Regni ejus, hoc est usque ad viii. Kal. Aprilis sunt anni 490. & menses 13. Hac de Catalogorum antiquitate, ac de vetustate, atque auctoritate codicum unde petita editio illorum fuit, delibasse sufficiat. Qui plura cupit, aedeat laudatam Schelestrati dissertationem.*

16 Gradus inde faciendus est ad inquirendum de auctoritate rerum, in utroque Catalogo enunciatarum. Summatim agendum est, quibus subinxus documentis Auctoꝝ quarti saeculi sub Liborio rescrire posset, ac nobis tradere quæcumque scripta retulit in primum Catalogum: parique lege quærendum est de alterius Catalogi Auctoꝝ sub Justiniano, qui-

A busiam de fontibus hauserit; tum ea, quæ adjicit supra Catalogum primum Pontificibus in eo memoratis usque ad Liberium; tum ea, quæ in cæteris post Liberium perduxit ad Felicem IV.

Ut justè disquisitioni faciam satis, attendi velim, in priori Catalogo à S. Petro ad Liberium hæc recenseri in singulis Pontificibus: Nomen, annos, menses, ac dies eorundem regiminis; Consulatum patris, quibus initium, ac finem Pontificatus consignat; & alicubi decreta nonnulla, ut in Fabiano; aliquot verò ædicia in Julio, quem Liberius excipit illius Catalogi postremus. In secundo autem Catalogo additur nomen Patris, & locus in urbe, aut in Provincia, ubi natus est is, qui Pontifex postea evasit. Adiecta sunt decreta, & institutiones rituum sacrorum, præsertim in sacrificio Missæ peragendo, aut circa publicam Ecclesiæ disciplinam inductæ. Adiecta etiam ordinationes in duplice ordine hierarchico hujus Sanctæ Ecclesiæ Romanæ, Presbyterorum scilicet, ac Diaconorum, necnon Episcoporum extra Urbem, ab illis Pontificibus celebratæ. Per illas verò ætates, unde incipiunt, & in quas desinunt Catalogi prædicti, usu receptum erat hæc omnia memoria mandare, præsertim in describindis Indicibus Sacerdotum. Videndum est accuratè per singula.

17 Nomen Pontificis conjungere cum Parentis indicatione soleme fuit tum apud Christianos, tum apud Hebræos, immo & apud Romanos Ethnicos, constante vita B. Petri. Nullum documentum illustrius afferri potest, quæcumquod sacrofanciis in Evangelii veritas confignavit. JESUS Christus æternus Pontifex à Simone cùm diceretur, indicatione veri Patris, *Filius Dei vivi*, eundem Simonem designatum Vicarium suum nominat *Simonem Bar-Jona*, *Simonem filium Joannis*, deinde *Cephas*, *Petrum*. (2) Praecurto Christi Joannes de genere Sacerdotali dicitur *Jeannes Zacharia filius*. Joannes Evangelista, & Jacobus ejusdem frater vocati ad Apolotatum dicuntur *filiij Zebedei*. Satis elucet his in exemplis consuetudo ætatis, ac regionis: quam ab Hebreis passim retentam ea tempestate addicimus ab eorundem Sacerdoti, atque Historico Josepho, proprium nomen ita consignante in prologo ad librum de bello Judaico: *Ego Josephus Matathia filius Hebreus, Sacerdos ex Hierosolymis*. Quid huic consuetudini similiu: quæ ea, quæ servatur in secundo Catalogo? *Anicetus*, natione *Syrus*, ex patre *Joanne*, de vico *Amisa* &c. *Pius* natione *Italus*, ex patre *Rufino*, frater *Paforis*, de civitate *Aquileja* &c. *Soter* natione *Cumpanus*, ex patre *Concordio*, de civitate *Fundis* &c. *Eleuther* natione *Græcus*, ex patre *Abundante*, de oppido *Nicopoli* &c. Apud Romanos verò, præsertim in Catalogis contextendis id passim servatum fuisse docent inscriptions. Cùm enim in pluribus vitæ civilis usibus habenda esset ratioætatis, familiaeque plebejæ, aut patriciæ; ea necessitas memorandi parentes, patriam, ætatem induxit apud Romanos consuetudinem, ut illa plerumque confignarentur non modò in libris censoris (unde pars maxima eorundem historiarum fluxit, teste M. Tullio) verum etiam in tabulis marmoreis, auctoritate publica positis, aut privata. Quod autem attendi meretur præcipue in secundo Catalogo, idest; in Pontificibus Romanis in Urbe natis, non memorari tribum,

(1) Scbet. ead. diff. 3. cap. 4.

(2) *Matthæi xvi.*